

Fundargerð

Efni fundarins: Aðalfundur VR 2019

Fundarstaður og dagsetning: Hilton Reykjavík Nordica, 27. mars 2019, kl. 19:30

Næsti fundur: 2020

Fundarritari: Árni Leósson

Málsnúmer í One: 1808161

1. Kosinn fundarstjóri

Formaður VR, Ragnar Þór Ingólfsson setti fund kl. 19:30 og bauð fundarmenn velkomna til fundar.

Stakk hann uppá Rannveigu Sigurðardóttur, sem áður sat í stjórn VR, sem fundarstjóra aðalfundar. Ekki komu aðrar uppástungur og var Rannveig kosinn fundarstjóri með lófataki.

Tók hún þá við stjórn fundarins.

2. Kosinn ritari

Fundarstjóri stakk uppá Árna Leóssyni, sviðsstjóra VR sem fundarritara: Ekki komu aðrar uppástungur og var Árni kosinn fundarritari með lófataki.

Hóf hann þá að rita fundargerð.

3. Skýrsla stjórnarinnar um störf félagsins undanfarið starfsár

Ragnar Þór flutti nú skýrslu stjórnar og studdist við slæður.

Í máli hans kom m.a. fram að kjarasamningar hafi runnið út í lok árs 2018 og eftir árangurslausar viðræður hafi viðræðum verið vísað til ríkissáttasemjara. Verkföll hófust svo 22. mars 2019 en hann hafði þær góðu fréttir að færa að þar sem kominn væri umræðugrundvöllur um kröfur okkar hafi nú rétt í þessu verið ákveðið að aflýsa verkföllum þeim sem áttu að hefjast á miðnætti og standa dagana 28. og 29. mars. Þessi umræðugrundvöllur snýr bæði að kröfum okkar gagnvart atvinnurekendum svo og stjórnvöldum.

Á vinnufundi stjórnar á síðasta ári var stefna félagsins endurskoðuð og hlutverk VR skilgreint auch þess sem tekin voru upp ný gildi fyrir félagið sem eru: Framsækni, Fagmennska og Forysta.

Fjölgun varð á kjaramálum sem félagið sinnti á árinu 2018 um 9% og voru það 2.196 mál. Þá varð hækkan á hámarksstyrk í starfsmenntasjóði og er nú greitt allt að 130 þús. kr. á ári og hægt að safna upp í 390 þús. kr. á þremur árum.



ENN Á NÝ HAFNA STYRKVEITINGAR ÚR SJÚKRASJÓÐI VR VERIÐ AÐ AUKAST OG HÆKKUÐU HEILDARÚTGJÖLD VEGNA SJÚKRADAGOPENINGA Í 1.740 MILLJÓNIR KR. ÁRIÐ 2018 EN ÞAÐ VORU 1.254 MILLJÓNIR ÁRIÐ 2017. EINS OG ÁÐUR ERU GEÐRASKANIR LANGSTÆRSTI SJÚKDÓMAFLOKKURINN. REYNT VAR AÐ BREGÐAST VIÐ MEÐ AUGLÝSINGAHERFERÐ Á ÁRINU SEM KALLAÐIST „ÞEKKTU ÞÍN MÖRK“ OG VATKI HÚN MIKLA ATHYGLI M.A. MEÐ TILNEFNINGU TIL LÚÐURSINS, ÍSLSENSU AUGLÝSINGAVERÐLAUNANNA.

Þá var einnig sett af stað auglýsingaherferðin „Georgskjör“ þar sem Jón Gnarr brá sér í líki Georgs Bjarnferðarsonar úr „Vaktaseríunni“. Var þetta hugsað til þess að vekja athygli á þeim réttindum sem áunnist hafa gegnum tíðina og einnig sem innlegginn í kjaraviðræður. Þetta vakti gríðarlega athygli í þjóðfélaginu.

Ragnar Þór vildi nú nota tækifærið til þess að þakka starfsmönnum VR fyrir frábær störf sem séu mjög fagleg og ómetanlegur stuðningur við forystu félagsins.

Á árinu 2018 samþykkti stjórn VR stofnun leigufélags en markmið þess er að bjóða eins lága leigu og mögulegt er til að tryggja húsnæðisöryggi. Borgarráð samþykkti í framhaldi af því að veita VR vilyrði fyrir úthlutun lóðar í Úlfarsárdal.

Nýverið vakti það athygli þegar VR hótaði að taka 4 milljarða kr. úr ávöxtun hjá Kviku banka vegna framferðis Almenna leigufélagsins en það fékk giftusaman endi eftir fundi með aðilum þar sem tókst samkomulag um að frysta leiguverð og að boðnir yrðu 7 ára leigusamningar. Þetta sýnir að við getum ýmislegt ef við stöndum í lappirnar.

Þá var það ekki síður ánægjulegt að þann 13. mars sl. samþykktu félagsmenn í Verslunarmannafélagi Suðurnesja að sameinast VR og við það mun félagssvæði okkar stækka umtalsvert. Þetta er jákvætt framfaraskref sem styrkir okkur gríðarlega auk þess sem þetta þýðir að fjölgun félagsmanna heldur áfram.

Þegar Ragnar Þór hafði lokið máli sínu óskaði fundarstjóri eftir samþykki fundarins fyrir því að umræða um skýrslu stjórnar yrði tekin með umræðu um ársreikning.

Samþykkt.

NÚ ÓSKAÐI FUNDARSTJÓRI EFTIR HEIMILD FUNDARINS TIL ÞESS AÐ FÁ AÐ SKJÓTA INN DAGSKRÁRLIÐ UM AFHENDINGU GULLMERKIS VR.

Samþykkt.

4. Afhending gullmerkis VR

Ragnar Þór sagði að þeir sem nú væru sæmdir gullmerki félagsins hefðu unnið gríðarlega mikil og góð störf fyrir VR og öll eru þau vel að þessum heiðri komin.

Kallaði hann nú upp Rannveigu Sigurðardóttur og afhenti henni merkið og létt þess getið að hún hefði verið VR félagi síðustu 33 árin. Hún hefði verið fjölda ára í stjórn og trúnaðarráði félagsins þar sem hún hefði verið ötul baráttukona fyrir jafnrétti kynjanna og óþreytandi í ýmsum baráttumálum tengdum sjúkraréttindum.

Næst tilkynnti Ragnar Þór að gullmerki félagsins fengi Einar M. Nikulásson fyrrum starfsmaður VR sem ekki átti heimangengt vegna veikinda en synir Einars gengu nú fram og tóku við merkinu fyrir hönd föður síns. Einar starfaði síðustu 29 ár hjá VR og lengst af sem umsjónarmaður orlofshúsa en síðari ár sem umsjónarmaður eigna. Vann hann mikil og mikilvægt starf á vegum félagsins á þessum sviðum og átti hann m.a. mikinn þátt í uppbyggingu á orlofssvæði félagsins í Miðhúsaskógi.

Loks kallaði Ragnar Þór upp Elías G. Magnússon fyrrum starfsmann VR og afhenti honum merkið og létt þess getið að hann hefði verið starfandi hjá VR í 28 ár og síðustu árin sem sviðsstjóri kjaramálasviðs. Elías hefur komið að gerð ótal kjarasamninga félagsins þar sem mikil þekking hans á málefnum var ómetanleg en auk þess starfaði hann árum saman í trúnaðarráði VR.

Var gullmerkishöfum svo að lokum fagnað vel með lófataki fundarmanna.

5. Reikningar félagsins fyrir liðið starfsár lagðir fram til samþykktar

Stefán Sveinbjörnsson framkvæmdastjóri VR tók til máls og fór yfir reikninga félagsins og studdist við slæður. Í máli Stefáns kom m.a. fram að í rekstrarreikningi kæmi fram að tekjur ársins 2018 hafi verið 4.2 milljarðar króna en rekstargjöld 4,3 milljarðar króna. Rekstartekjur umfram gjöld eru neikvæðar um 61 milljón krónur. Fjármagnsliðir alls eru 436 milljónir kr. en hreinar tekjur til ráðstöfnuar voru 375 milljónir en árið 2017 voru það 956 milljónir kr. sem skýrist af mikilli aukningu greiðslna úr sjúkrasjóði og minni ávöxtun.

Nú fór Stefán yfir helstu lykiltölur þar sem kom m.a. fram að afgreiðslur haldi áfram að vaxa en símtölum til félagsins að fækka á móti. Heimsóknir á vef félagsins vr.is aukast mjög milli ára eða um 33,7% og fjöldi sem notar Mínar síður eykst um 15,9%. Þá er talsverð aukning í afgreiðslum styrkja úr VR varasjóði eða aukning um 37,3%.

Félagsmönnum VR er að fjölga og var fjölgunin 2,3% á árinu 2018 og um áramót voru þeir orðnir 36.029. Mikil aukning er í nýtingu orlofshúsa eða 59,9% og aukning í afgreiðslum hjá VIRK og starfsmenntasjóðum.

Þá næst fór Stefán yfir ýmsar rekstrarþætti, t.d. um aukningu iðgjalda millia ára um 3,8%, tekjur af orlofsbjónustu hafi verið 281 milljón kr. en aðrar tekjur 172 milljónir kr. Tekjur hafa verið að vaxa og er það vöxtur um 33% frá árinu 2012. Nú reifaði hann rekstrargjöld, skatta til ASÍ ofl., bætur úr sjúkrasjóði, greiðslur úr VR varasjóði oþh.

Gjöld per félagsmann hafa aukist úr 84 þús. kr. í 120 þús. kr.

Hin mikla aukning í greiðslum úr sjúkrasjóði hin síðustu ár þýðir að hlutfall sjúkradagpeninga af iðgioldum hefur aukist mjög eða úr 47% í 88% frá 2007 til ársins 2018 þ.e. um rúmlega 40%. Ekkert svigrúm er því til að leggja í VR varasjóð úr sjúkrasjóði og er því tillaga um að félagssjóður hlaupi undir bagga. Útgreiðslur úr VR varasjóði hafa svo einnig aukist eða sem nemur 7,3% milli ára og eftir sem áður er það mest sem er greitt vegna forvara/líkamsrækt.

Í umfjöllun um fjármagnsliði kom fram að ávöxtun hafi verið 5% nafnvextir – 1,6% raunvextir en í þessum efnum verða alltaf sveiflur þar sem markaðir ráða. Niðurstaðan er sú að í fyrsta sinn eru gjöld hærri en tekjur. Félagssjóður var rekinn með 319 milljón kr. tapi og skýrist það af auknum framlögum í VR varasjóð. Þá rakti Stefán skiptingu eigna – mest er í verðbréfum og fasteignum en fjárfestingastefna félagsins er mjög íhaldssöm og eru litlar breytingar milli ára.

Eigið fé félagsins er 12,2 milljarðar króna og skuldir 500 milljónir króna.

Að lokinni yfirferð Stefáns opnaði fundarstjóri fyrir umræður um skýrslu stjórnar og reikninga félagsins.

a. Aðalsteinn Magnússon ræddi VR varasjóð sem honum fannst skapa líttinn rétt og einnig ræddi hann hvort mætti hætta útgáfu VR blaðsins á pappír.

Stefán svaraði því til að málefni styrkja og varsjóðs væru sífellt viðfangs- og umhugsunarefni stjórnar. Hins vegar hafi verið gerð um það meðal félagsmann og kom þar fram að meirihluti vill halda óbreyttu fyrirkomulagi með VR varasjóð. Þá höfum við verið að þreifa okkur áfram með útgáfu VR blaðs og þegar það var reynt að gefa það aðeins út rafrænt koma það mjög niður á lestri blaðsins, þetta sé þó ávallt í skoðun.

Fundarstjóri tók nú til máls og sagði að áður en borið yrði upp til atkvæða samþykkt ársreiknings yrði fyrst lögð fram tillaga um framlag í VR varasjóð. Tillagan er eftirfarandi:

„Aðalfundur VR, haldinn á Hilton Reykjavík Nordica hótel miðvikudaginn 27. mars 2019, samþykktir að framlag í VR varasjóð verði samtals 785.000.000 kr. fyrir árið 2018 auk viðbótar framlags að upphæð 8.263.614 kr. vegna ársins 2017.“

Var tillagan borin upp til atkvæða.
Samþykkt samhljóða.

Því næst bar fundarstjóri upp reikninga félagsins, eins og þeir hafa nú verið lagðir fram og kynntir, upp til samþykkis.

Samþykkt samhljóða.

6. Sameining VR og Verslunarmannafélags Suðurnesja

Stefán Sveinbjörnsson framkvæmdastjóri VR sagði nú frá tillögu um samþykkt sameiningar VR og Verslunarmannafélags Suðurnesja (VS) samkvæmt samningi sem undirritaður var af aðilum þann 18. febrúar 2019 en viðræður um sameiningu félaganna hófust haustið 2018. Um var að ræða hefðbundið sameiningarferli svo sem við þekkjam þegar eftir vinnu við sameiningu við önnur félög svo sem á Austurland, Vestmannaeyjum og Suðurlandi ofl.. Sameiningin var samþykkt með 82,54% atkvæða í allsherjaratkvæðagreiðslu meðal félagsmanna VS sem var haldin dagana 13. – 15 mars 2019. Nú er því komið að okkur að samþykkja sameiningu en um er að ræða fjárhagslega sterkt félag og reiknað er með óbreyttri starfsemi skrifstofu í Keflavík með 3 – 4 stöðugildum.

Fundarstjóri las nú upp tillöguna sem er eftirfarandi:

„Aðalfundur VR, haldinn á Hilton Reykjavík Nordica hótelri miðvikudaginn 27. mars 2019, samþykkir sameiningu VR og Verslunarmannafélags Suðunesja samkvæmt samningi sem undirritaður var af aðilum þann 18. febrúar 2019.“

Að því loknu opnaði fundarstjóri fyrir umræður um tillöguna en enginn kvað sér hljóðs og var tillagan borin upp til atkvæða.

Samþykkt samhljóða.

7. Lagabreytingar

Stefán Sveinbjörnsson framkvæmdastjóri VR tók til máls og sagði að Sigurður Sigfusson formaður laganefndar VR hefði forfallast og myndi hann kynna þær þrjár lagabreytingar sem stjórn legði fram að þessu sinni. Fór hann yfir tillögurnar á slæðum en fyrsta tillagan er eftirfarandi (breytingar í rauðu letri):



Tillaga 1.**14. gr. Trúnaðarráð**

2. mgr. „Í trúnaðarráði sitja auk stjórnar **og varastjórnar**, stjórnir deilda

Sagði Stefán að í núverandi lögum komi ekki fram að varamenn stjórnar VR sitji í trúnaðarráði. Rétt þykir að þeir séu hluti af trúnaðarráði þar sem þeir hafa verið kosnir með formlegum hætti til trúnaðarstarfa í félagini og til að taka af allan vafa um að varamenn í stjórn VR eigi sæti í trúnaðarráði eins og aðalmenn.

Þá fór Stefán yfir næstu tillögu sem er eftirfarandi:

Tillaga 2.**11. gr. Hæfi stjórnarmanna**

„Stjórnarmenn skv. 10 gr. og ef við á, stjórnarmenn sjóða skv. 3. mgr. 26. gr. skulu vera fjár síns ráðandi og mega ekki á sl. 5 árum hafa hlotið dóm fyrir refsiverðan verknað. Stjórnarmenn mega ekki eiga meira en 5% hlut í fyrirtæki sem er í atvinnurekstri á starfssviði félagsins **og mega ekki vera starfandi sem framkvæmdastjórar fyrirtækis, stofnunar eða félags þar sem réttarstaða framkvæmdastjóra rekstrar telst sú sama og sem hann væri sjálfur atvinnurekandi**. Stjórnarmenn sem missa hæfi skv. framansögðu á kjörtímabili sínu víkja sjálfkrafa og tafarlaust úr stjórn og taka varamenn þeirra sæti í þeirra stað þar til hæfisskilyrðum er fullnægt að nýju. Frambjóðendur til stjórnar VR skulu og uppfylla ofangreind skilyrði við lok framboðsfrests sbr. gr. 20.3. Sé ágreiningur um hæfi skal kjörstjórn úrskurða um það.

Við meðferð einstakra mála skal stjórnarmaður víkja sæti ef hann hefur hagsmuna að gæta sem kunna að fara í bága við hagsmuni félagsins. Missi stjórnarmaður kjörgengi sitt á kjörtímabili skal hann tafarlaust víkja úr stjórn VR. Sama regla gildir um aðra kjörna fulltrúa í stjórnnum og ráðum félagsins.“

Sagði Stefán setta inn að gefnu tilefni frá síðustu stjórnarkosningu þar sem þurfti að úrskurða ógild framboð tveggja framkvæmdastjóra rekstrar með mannaforráð sem augljóslega býður heim hættu á hagsmunaárekstrum þar sem viðkomandi voru í stöðu atvinnurekanda.

Loks fór Stefán yfir þriðju tillöguna en hún er eftirfarandi:



Tillaga 3.

1. gr. Heiti, starfssvæði

„Félagið heitir VR og er stéttarfélag verslunar-, þjónustu- og skrifstofufólks. Félagssvæði þess nær yfir lögsagnarumdæmi Reykjavíkur, Kópavogs, Hafnarfjarðar, Garðabæjar, Seltjarnarness, Mosfellsbæjar, Kjósahrepps, Reykjanesbæjar, Grindavíkurbæjar, Suðurnesjabæjar, Sveitarfélagsins Voga, Vestmannaeyja, Árnessýslu, Rangárvallarsýslu, Vestur-Skaftafellssýslu, Húnaþings vestra, Akraness og nágrennis, Langanesbyggðar, Vopnafjarðarhrepps, Borgarfjarðarhrepps, Seyðisfjarðarkaupstaðar, Fljótsdalshéraðs, Fljótsdalshrepps, Fjarðabyggðar, Breiðdalshrepps og Djúpavogshrepps. Heimili félagsins og varnarþing er í Reykjavík.“

Sagði Stefán þessa tillögu vera vegna sameiningar VR við Verslunarmannafélag Suðurnesja þar sem félagssvæði VR mun víkka út.

Að þessu búni opnaði fundarstjóri fyrir umræður um tillögurnar þrjár.

a. Bjarni Þór Sigurðsson spurði hvort myndi fjölgla eða fækka í trúnaðarráði við það að varamenn stjórnar taki þar sæti.

Stefán svaraði að það myndi fjölgla.

b. Aðalsteinn Magnússon ræddi tillögu nr. 2 og að það væri kannski full þróngt að segja að framkvæmdastjórnar almennt megi ekki bjóða sig fram til stjórnar þar sem stigsmunur geti verið á störfum fólks með slíkan titil.

Stefán svaraði því til að hugsunin væri að þarna væri átt við framkvæmdastjóra sem væri skráður þannig hjá hlutafélagaskrá.

Fleiri kváðu sér ekki hljóðs og bar þá fundarstjóri upp tillögurnar hverja fyrir sig upp til samþykktar.

Fyrst tillögu nr. 1. – Samþykkt samhljóða
Þá tillögur nr. 2 – Samþykkt – einn á móti
Loks tillögu nr. 3 – Samþykkt samhljóða

Lög VR í heild sinni eftir samþykkt þessara tillagna eru því eftirfarandi:



Lög VR

1. gr. Heiti, starfssvæði

Félagið heitir VR og er stéttarfélag verslunar-, þjónustu- og skrifstofufólks. Félagssvæði þess nær yfir lögsagnarumdæmi Reykjavíkur, Kópavogs, Hafnarfjarðar, Garðabæjar, Seltjarnarness, Mosfellsbæjar, Kjósahrepps, Reykjanesbæjar, Grindavíkurbæjar, Suðurnesjabæjar, sveitarfélagsins Voga, Vestmannaeyja, Árnessýslu, Rangárvallarsýslu, Vestur-Skaftafellssýslu, Húnaþings vestra, Akraness og nágrennis, Langanesbyggðar, Vopnafjarðarhrepps, Borgarfjarðarhrepps, Seyðisfjarðarkaupstaðar, Fljótsdalshéraðs, Fljótsdalshrepps, Fjarðabyggðar, Breiðdalshrepps og Djúpavogshrepps. Heimili félagsins og varnarþing er í Reykjavík.

2. gr. Tilgangur

Tilgangur félagsins er að efla og styðja hag verslunar-, þjónustu- og skrifstofufólks á félagssvæðinu með því að vinna að framgangi allra þeirra mála, er verða mega til aukinna réttinda, menningar og bættra kjara launafólks í landinu.

Félagið gerir kjarasamninga fyrir félagsmenn sína og kemur fram fyrir þeirra hönd gagnvart stjórnvöldum og öðrum, að því er varðar hagsmuni félagsmanna.

3. gr. Félagsaðild

Félagið er opið öllu verslunar-, þjónustu- og skrifstofufólki.

Félagar geta þeir orðið sem starfa á starfssviði félagsins sem launamenn eða eru sjálfstætt starfandi á vinnumarkaði.

Félagsmenn sem missa starf sitt á vinnumarkaði geta áfram verið félagsmenn, gegn greiðslu félagsgjalds af greiðslum úr Atvinnuleysistryggingasjóði sem sjóðurinn hefur milligöngu um að skila til VR. Hafi þeir ekki verið félagar í VR við upphaf atvinnuleysisbóttagreiðslna skulu þeir hafa greitt félagsgjald til VR að lágmarki í 36 mánuði á síðustu 5 árum fyrir umsókn atvinnuleysisbóta.

Félagsmenn sem hækta störfum á vinnumarkaði vegna örorku geta verið áfram félagsmenn þó án þess að njóta kjörgengis í féluginu, gegn greiðslu félagsgjalds til VR hjá þeim lífeyrissjóðum sem bjóða milligöngu um að skila félagsgjöldum til stéttarfélaga. Skulu þeir hafa verið félagsmenn í VR óslitið í 5 ár áður en til örorku kom og skal greiðsla félagsgjalda með

þessum hætti hefjast eigi síðar en innan 12 mánaða frá fyrstu greiðslu örorkulífeyris.

Eldri félagsmenn sem fá greiddan ellilífeyri og sem verið hafa í féluginu a.m.k. 5 ár fyrir töku eftirlauna, við 67 ára aldur, teljast áfram félagsmenn í VR en njóta ekki kjörgengis. Þeir félagsmenn sem kjósa að hefja töku eftirlauna við 65 ára aldur geta viðhaldið réttindum með því að greiða félagsgjald af ellilífeyrisgreiðslum, hjá þeim lífeyrissjóðum sem bjóða milligöngu um að skila félagsgjöldum til stéttarfélaga, til 67 ára aldurs. Þeir skulu hafa verið í féluginu a.m.k. samfellt í 5 ár fyrir töku eftirlauna.

Réttindi sem fylgja aðild samkvæmt öllu ofangreindu eru háð nánari reglum einstakra sjóða VR.

Þeir sem hverfa frá störfum um stundarsakir vegna náms eða veikinda geta nýtt sér áunninn rétt við inngöngu að nýju skv. nánari reglum félagins.

Fullgildur félagsmaður getur sá orðið sem:

Náð hefur 16 ára að aldri.

Er skuldlaus við félagið eða önnur stéttarfélög.

Er greiðandi og hefur greitt lágmarksfélagsgjald á undangengnum 12 mánuðum sbr. 9. gr., þó með þeim undantekningum sem kveðið er á um í lögum þessum og staðfest hefur aðild sína að féluginu skv. nánari ákvæðum laga þessara.

Unglingar geta orðið félagsmenn þó þeir hafi ekki náð 16 ára aldri en njóta þó ekki kjörgengis í féluginu.

Sjálfstætt starfandi á vinnumarkaði geta orðið félagsmenn með takmörkuðum réttindum skv. reglum einstakra sjóða auk þess sem þeir njóta ekki kjörgengis í féluginu.

Sjálfstætt starfandi telst sá sem ber að áætla sér reiknað endurgjald samkvæmt ákvörðun skattayfirvalda, auk þeirra sem skráðir eru sem launamenn hjá eigin fyrirtæki, enda hafa þeir þannig ráðandi stöðu vegna eignar- eða stjórnunaraðildar. Þar sem sjálfstætt starfandi, og/eða fjölskyldumeðlimur rekstraraðila, teljast hafa ráðandi stöðu skulu iðgjöld þeirra ávallt vera greidd og í skilum ef sækja á þjónustu til VR eða réttindi í sjóðum félagsins.



4. gr. Innganga í félagið

Umsækjendur um félagsaðild skulu óska aðildar að féluginu með inntökubeiðnum eða með skilum á gjöldum til félagsins. Aðild nýrra félagsmanna að féluginu skal staðfest af skrifstofu félagsins árlega og skal félagið senda viðkomandi tilkynningu um staðfestingu á inngöngu í félagið. Geri hann ekki athugasemdir um aðild innan 30 daga frá dagsetningu tilkynningarinnar telst hann orðinn félagsmaður. Ekki er þörf sérstakrar staðfestingar ef viðkomandi hefur áður greitt til félagsins.

Um iðgjöld þeirra sem ekki kjósa að gerast félagsmenn, gilda ákvæði kjarasamninga félagsins á hverjum tíma. Sé vafi um rétt til aðildar skal stjórn úrskurða um málið. Unnt er að skjóta þeirri ákvörðun til úrskurðar trúnaðarráðs. Nýjum félögum og sjálfstætt starfandi sem óska aðildar að féluginu er skylt að veita upplýsingar um starfssvið, áætlaðar tekjur og gögn frá opinberum aðilum til staðfestingar á tekjum sé þess óskað.

5. gr. Réttindi og skyldur

Réttindi félagsmanna eru:

Málfrelsi, tillögu- og atkvæðaréttur á fundum félagsins. Atkvæðisréttur um kjarasamninga félagsins er bundinn þeim sem starfa samkvæmt þeim kjarasamningi sem kosið er um hverju sinni.

Allir fullgildir félagar hafa kjörgengi til trúnaðarstarfa innan félagsins, þó með þeim undantekningum sem getið er um í 3.gr.

Réttur til styrkja og greiðslna úr sjóðum félagsins í samræmi við reglur þeirra.

Réttur til að vinna þau störf sem kjarasamningar taka til.

Réttur til afnota af sameiginlegum eignum eftir nánari reglugerðum og reglum félagsins s.s. orlofshúsum, tjaldvögnum o.fl.

Réttur til aðstoðar félagsins við vanefndir atvinnurekanda á starfskjörum.

Skyldur félagsmanna eru:

Að hlíta lögum félagsins, fundarsköpum, fundarsamþykktum og halda í einu og öllu samninga sem félagið hefur gert.

Að greiða félagsgjald

6. gr. Úrsögn

Úrsögn úr féluginu skal vera skrifleg og send skrifstofu félagsins. Enginn getur þó sagt sig úr féluginu, eftir að kröfugerð í vinnudeilu hefur verið vísað til ríkissáttasemjara og þar til samningar hafa náðst. Einnig er óheimilt að segja sig úr féluginu til þess að taka upp störf félagsmeðlima innan Landssambands íslenzkra verzlunarmanna og Alþýðusambands



Íslands, er lagt hafa niður vinnu vegna vinnudeilu.

Fella skal burt af félagskrá hvern þann félagsmann, er hverfur sem launamaður frá verslunar-, þjónustu- og skrifstofustörfum eða tekur að stunda atvinnu, er fellur undir starfssvið annarra stéttarfélaga.

7. gr. Brottvikning

Stjórn félagsins getur vikið úr féluginu hverjum þeim, sem að hennar álíti brýtur lög félagsins, samninga þess við vinnuveitendur eða vinnur gegn hagsmunum þess. Ákvörðun stjórnar er heimilt að vísa til úrskurðar trúnaðarráðs. Til samþykkis slíkrar brottvikningar þarf 2/3 greiddra atkvæða, hvort sem er á trúnaðarráðsfundi eða stjórnarfundu.

Brottvikningu skal ekki beitt nema sakir séu miklar eða brot sem áminnt hefur verið fyrir, verið ítrekað. Áður en til brottvikningar kemur skal félagsmanni gefinn kostur á að koma sjónarmiðum sínum skriflega á framfæri við stjórn.

8. gr. Heiðursfélagar - gullmerki

Stjórn félagsins er heimilt að velja heiðursfélaga og sæma menn gullmerki félagsins. Heiðursfélagar eru undanskildir félagsgjaldi.

9. gr. Félagsgjöld

Aðalfundur ákveður félagsgjaldið hverju sinni. Þó er heimilt að innheimta félagsgjaldið sem hundraðshluta af launum af sama grunni og iðgjald til Lífeyrissjóðs verzlunarmanna og kveða á um lágmarksfélagsgjald.

10. gr. Stjórn

Stjórn félagsins skipa 15 aðalmenn og 3 til vara. Formaður skal kosinn til tveggja ára í senn, meðstjórnendur skulu kosnir 7 í einu til tveggja ára og ganga árlega 7 úr stjórninni á víxl. Varamenn skuli kosnir til eins árs í senn. Hverfi stjórnarmaður frá verslunar-, þjónustu- og skrifstofustörfum, eða tekur að stunda atvinnu, sem fellur undir starfssvið annarra stéttarfélaga, skal kjósa mann í hans stað við fyrsta stjórnarkjör á eftir. Stjórnin kýs sér varaformann og ritara og skiptir að öðru leyti með sér störfum.

11. gr. Hæfi stjórnarmanna

Stjórnarmenn skv. 10 gr. og ef við á, stjórnarmenn sjóða skv. 3. mgr. 26. gr. skulu vera fjár síns ráðandi og mega ekki á sl. 5 árum hafa hlotið dóm fyrir refsiverðan verknað. Stjórnarmenn mega ekki eiga meira en 5% hlut í fyrirtæki sem er í atvinnurekstri á starfssviði félagsins og mega ekki vera starfandi sem framkvæmdastjórar fyrirtækis, stofnunar eða félags þar



sem réttarstaða framkvæmdastjóra rekstrar telst sú sama og sem hann væri sjálfur atvinnurekandi. Stjórnarmenn sem missa hæfi skv. framansögðu á kjörtímabili sínu víkja sjálfkrafa og tafarlaust úr stjórn og taka varamenn þeirra sæti í þeirra stað þar til hæfisskilyrðum er fullnægt að nýju. Frambjóðendur til stjórnar VR skulu og uppfylla ofangreind skilyrði við lok framboðsfrests sbr. gr. 20.3.

Sé ágreiningur um hæfi skal kjörstjórn úrskurða um það.

Við meðferð einstakra mála skal stjórnarmaður víkja sæti ef hann hefur hagsmuna að gæta sem kunna að fara í bága við hagsmuni félagsins.

Missi stjórnarmaður kjörgengi sitt á kjörtímabili skal hann tafarlaust víkja úr stjórn VR. Sama regla gildir um aðra kjörna fulltrúa í stjórnum og ráðum félagsins.

12. gr. Störf stjórnar

Stjórn félagsins stýrir öllum málefnum félagsins milli aðalfunda.

Stjórn skal vinna að stefnumótun fyrir félagið og vinna að framgangi þeirra mála sem félagið hefur sett sér að vinna að.

Stjórn skal sjá um að skipulag félagsins og starfsemi sé jafnan í réttu og góðu horfi og í samræmi við lög félagsins.

Stjórn ber ábyrgð á fjárreiðum og eignum félagsins og tekur allar meiriháttar ákvarðanir er snúa að fjármálum. Hún skal sjá svo um að fjármál séu jafnan í góðu horfi svo sem bókhald og meðferð fjármuna.


Stjórn fylgist með störfum deilda eða starfsgreina sem starfræktar eru eða kunna að verða.

Stjórn hefur að öðru leyti vakandi áhuga fyrir því, er félagini má verða til heilla.

Stjórn skal ráða framkvæmdastjóra og fela honum daglegan rekstur skrifstofu félagsins. Heimilt er að ráða formann félagsins sem framkvæmdastjóra þess. Framkvæmdastjóri ræður starfsmenn og semur um kjör þeirra. Launaneft gerir tillögu að launum og starfskjörum formanns og framkvæmdastjóra sem síðan þarf samþykki stjórnar VR.

13. gr. Stjórnarfundir

Stjórnin heldur fundi svo oft sem þurfa þykir og skal það, er á fundunum gerist skráð í sérstaka gerðarbók. Fundur er lögmætur þegar meirihluti stjórnarmanna sækir fund. Formaður sér um að boða til funda og stjórnar



þeim. Formaður sér um að gerðarbók sé rituð og hún varðveitt með öruggum hætti.

Varaformaður gegnir skyldum formanns í forföllum hans.

Halda skal fund ef a.m.k. 4 stjórnarmenn krefjast þess. Afl atkvæða ræður úrslitum um afgreiðslu mála.

14. gr. Trúnaðarráð

Í féluginu skal starfa trúnaðarráð sem skal vera stjórn félagsins ráðgefandi varðandi ýmis stærri málefni sem upp koma í starfsemi félagsins s.s. við gerð kjarasamninga og meiriháttar framkvæmda á vegum félagsins. Auk þess skal trúnaðarráð gera annað það sem nánar er kveðið á um í lögum þessum.

Í trúnaðarráði sitja auk stjórnar og varastjórnar, stjórnir deilda sem verða til við sameiningu annarra verslunarmannafélaga af landsbyggðinni og 82 fulltrúar kosnir í allsherjaratkvæðagreiðslu til tveggja ára í senn. Formaður félagsins er jafnframt formaður trúnaðarráðs og boðar hann til fundar a.m.k. 4 sinnum á ári og eftir því sem þurfa þykir.

15. gr. Deildir

Stjórn félagsins er heimilt að starfrækja deildir innan félagsins eftir starfsgreinum/atvinnugreinum þess og landssvæðum. Hlutverk deilda er meðal annars að vinna að sameiginlegum hagsmunum starfsmanna í starfsgreinum/atvinnugreinum og landssvæðum, stuðla að fræðslu þeirra og fjalla um kjaramál fyrir starfsgreinarnar/ atvinnugreinarinnar og landssvæðin. Stjórn deilda er kosin á deildarfundi. Stjórn deilda er skipuð að lágmarki 3 mönnum, sem skipta með sér verkum, varamenn skulu vera jafnmargir. Kjörtímabil stjórnar er 2 ár. Stjórn deildarinnar getur fengið fjármuni, samkvæmt nánari ákvörðun stjórnar félagsins, til ráðstöfunar til fræðslu- og menningarmála innan starfsgreinarinnar. Deild skal setja sér starfsreglur sem stjórn félagsins staðfestir.

16. gr. Trúnaðarmenn

Formaður, fyrir hönd stjórnar félagsins, staðfestir val á trúnaðarmönnum á vinnustöðum og fullgildir skipun þeirra með erindisbréfi, sem þeir starfa eftir.

Trúnaðarmenn skulu hafa eftirlit með að lögum félagins, samþykktum og samningum sé hlýtt.



Trúnaðarmenn eru tengiliðir starfsmanna á viðkomandi vinnustað við stjórn og starfsmenn félagsins. Að öðru leyti fer um starfsemi, réttindi og skyldur trúnaðarmanna að lögum og kjarasamningi félagsins.

17. gr. Samninganefnd

Samninganefnd skal vera starfandi í féluginu. Samninganefnd kemur fram fyrir hönd félagsins við gerð kjarasamninga. Stjórn félagsins er jafnframt samninganefnd þess. Stjórn er heimilt að kalla fleiri félagsmenn til setu í samninganefnd eftir því sem þurfa þykir. Við gerð sérkjarasamninga, vinnustaða- eða fyrirtækjasamninga er samninganefnd heimilt að skipa minni samninganefnd.

Kröfugerð við gerð aðalkjarasamninga skal borin upp í trúnaðarráði til samþykktar áður en hún er lögð fram við samningagerð.

18. gr. Allsherjaratkvæðagreiðsla

Allsherjaratkvæðagreiðslu skal viðhafa:

- 1.Um kosningu stjórnar og trúnaðarráðs.
- 2.Um vinnustöðvun. Nú er vinnustöðvun einungis ætlað að taka til ákveðins hóps félagsmanna eða starfsmanna á tilgreindum vinnustað og er þá heimilt að taka ákvörðun um vinnustöðvun með atkvæðum þeirra sem henni er ætlað að taka til.
- 3.Um miðlunartillögu ríkissáttasemjara eftir því sem við á.
- 4.Þegar trúnaðarráð eða lögmætur félagsfundur samþykkir að viðhafa allsherjaratkvæðagreiðslu í féluginu.

Við allsherjaratkvæðagreiðslu skal viðhafa almenna leynilega atkvæðagreiðslu meðal félagsmanna samkvæmt reglum ASÍ nema sérstakar aðstæður hamli.

19. gr. Kjörstjórn

Kjörstjórn skal skipuð þremur mönnum við kosningar í féluginu. Tveimur tilnefndum af stjórn félagsins og einum tilnefndum af Landssambandi íslenzkra verzlunarmanna eða Alþýðusambandi Íslands. Tilnefna skal jafnmarga til vara. Kjörstjórn sér alfarið um framkvæmd kosninga samkvæmt reglugerð ASÍ.

20. gr. Kosning formanns, stjórnar og trúnaðarráðs

20.1. Um kosningu formanns og stjórnar



Formaður skal kosinn í einstaklingskosningu annað hvert ár. Árlega skulu 7 stjórnarmenn kosnir til tveggja ára og 3 varamenn til eins árs í einstaklingsbundinni kosningu.

Komi fram fleiri framboð en sæti sem í boði eru skal viðhafa rafræna kosningu meðal fullgilda félagsmanna.

Berist ekki nægilega mörg framboð skal stjórn félagsins gera tillögu um stjórnarmenn sem bera skal upp í trúnaðarráði til samþykktar. Ef fleiri tillögur koma fram á fundi trúnaðarráðs skal kosið á milli þeirra á fundinum. Afl atkvæða ræður úrslitum.

20.2. Um kosningu í trúnaðarráð

Árlega skal kjósa 41 fulltrúa í listakosningu til setu í trúnaðarráði til tveggja ára í senn. Missi trúnaðarráðsmaður hæfi til setu í ráðinu sbr. 3 mgr. 11. gr. á fyrsta ári kjörs hans, skal í næstu kosningu til trúnaðarráðs fjöldi fulltrúa á framboðslista vera aukinn umfram 41 sem nemur þeim fjölda sem misst hefur hæfi. Þeir sem bætast þannig við framboðslistann skulu þó aðeins vera í kjöri til eins árs.

Komi fram fleiri en einn listi skal viðhafa rafræna kosningu meðal fullgilda félagsmanna. Þá skal kosið á milli lista og sá listi sem fær flest atkvæði telst rétt kjörinn. Stjórn og trúnaðarráði er skyld að stilla upp lista til trúnaðarráðs. Sama einstaklingi er óheimilt að skipa sæti samtímis á lista til trúnaðarráðs og í einstaklingskosningu til formanns eða stjórnar félagsins. Auglýsa skal í dagblöðum og á heimasíðu félagsins eftir félagsmönnum sem vilja taka sæti á listanum.

Uppstillinganefnd skipuð formanni og fjórum einstaklingum kosnum af trúnaðarráði skal skipuð fyrir 15. janúar annað hvert ár. Nefndin skal velja frambjóðendur á listann úr hópi þeirra sem gefið hafa kost á sér og kannar kjörgengi þeirra.

Berist ekki nægilega mörg framboð skal Uppstillinganefnd gera tillögu um fulltrúa til setu á listanum sem bera skal upp í trúnaðarráði til samþykktar.

Hafi fleiri gefið kost á sér en sætin sem skipa á skal listinn borinn upp í trúnaðarráði til samþykktar. Sá sem gefið hefur kost á sér en ekki fengið sæti á listanum getur krafist þess að kosið verði um frambjóðendur á fundi trúnaðarráðs.

A handwritten signature in black ink, appearing to read "J. R. S.", is located in the bottom right corner of the page.

20.3. Um framkvæmd kosninga

Kjörstjórn úrskurðar um lögmæti framboða.

Kjörstjórn sér um og tekur ákvarðanir um framkvæmd kosninga. Ákvarðanir kjörstjórnar eru endanlegar.

Kjörstjórn skal auglýsa eftir framboðum í dagblöðum og á vefsíðu félagsins. Framboðsfrestur skal vera að minnsta kosti ein vika.

Framboðum skal skila á skrifstofu félagsins og skulu fylgja þeim upplýsingar um nafn og kennitölu frambjóðenda. Skrifleg meðmæli 15 félagsmanna þarf vegna framboðs til stjórnar. Skrifleg meðmæli 50 félagsmanna þarf vegna framboðs til formanns.

Við framboð lista til trúnaðarráðs skal liggja fyrir skriflegt samþykki allra þeirra sem á listanum eru.

Til að listi sem borinn er fram gegn lista trúnaðarráðs sé löglega fram borinn þarf skrifleg meðmæli 1% félagsmanna.

Kjörstjórn er heimilt að gefa sólarhringsfrest til að lagfæra annmarka á framboðum. Kjörstjórn úrskurðar um hæfi og kjörgengi allra frambjóðenda og auglýsir að því loknu upphaf atkvæðagreiðslu sbr. reglugerð ASÍ um leynilega allsherjaratkvæðagreiðslu. Úrskurðir kjörstjórnar eru endanlegir.

Kosning skal fara fram innan 6 vikna frá því að framboðsfrestur rennur út.

Kosningum til trúnaðarstarfa í féluginu skal lokið eigi síðar en 15 mars ár hvert.

Frambjóðendur í einstaklingskosningu geta dregið framboð sitt til baka allt að viku fyrir upphaf kjördags. Frambjóðendur í listakosningu geta ekki dregið framboð sitt til baka eftir að framboðsfresti lýkur.

Skrifstofa félagsins sér um kynningu á frambjóðendum í miðlum félagsins eins og þeir eru á hverjum tíma. Halda skal kynningarfundir meðal félagsmanna krefjist einn eða fleiri frambjóðenda þess. Um framkvæmd og undirbúning kosninga fer að öðru leyti eftir reglugerð ASÍ um leynilegar atkvæðagreiðslur.

20.4. Um kjörseðla og röðun á lista

Við kosningu til stjórnar:

Raða skal frambjóðendum á kjörseðilinn eftir stafrófsröð og kjósendur merkja við minnst 1 en mest 7. Til að viðhalda jafnri kynjaskiptingu í stjórn VR skal sá frambjóðandi sem flest atkvæði fær skipa 1. sæti í stjórn.

Næsta sæti skipar sá sem flest atkvæði fékk en er af hinu kyninu o.s.frv. og skal sú kynjafléttu halda áfram til röðunar varamanna. Þeir 7 sem flest atkvæði fá samkvæmt framansögðu teljast rétt kjörnir aðalmenn í stjórn VR til 2ja ára. Næstu 3 teljast rétt kjörnir varamenn í stjórn VR til 1 árs.

Við kosningu til trúnaðarráðs:

Séu fleiri listar en listi stjórnar og trúnaðarráðs skal merkja listana með bókstaf hvern fyrir sig í þeirri röð sem þeir berast. Nöfnum á hverjum lista skal raðað í stafrófsröð. Sé á fundi trúnaðarráðs kosið milli einstaklinga sem skipa skulu listann sbr. 5.mgr. 20.gr. 2, skal nöfnum raðað á kjörseðil í stafrófsröð.

21. gr. Kjör á þing LÍV og ársfund ASÍ

Um kosningu fulltrúa á þing Landssambands íslenzkra verzlunarmanna, og ársfund Alþýðusambands Íslands er heimilt að viðhafa allsherjaratkvæðagreiðslu og skal hún fara fram eftir reglugerð ASÍ þar um. Komi til allsherjaratkvæðagreiðslu um lista fulltrúa þarf samþykki allra þeirra sem á listanum eru að liggja fyrir. Til að listi sem borinn er fram gegn lista stjórnar og trúnaðarráðs VR sé löglega fram borinn þarf hann skrifleg meðmæli 1% félagsmanna. Taka skal mið af 18. grein um kosningar eftir því sem við á.

22. gr. Jafnræði

Við val á félagsmönnum til trúnaðarstarfa fyrir félagið skal gætt jafnræðis milli kynja og milli starfsgreina.

23. gr. Aðalfundir

Aðalfund félagsins skal halda fyrir lok apríl ár hver og eigi síðar en 14 dögum eftir að kosningar til stjórnar hafa farið fram. Skal hann boðaður með auglýsingi í útvarpi, dagblöðum og vefmiðlum VR eða á annan sannanlegan hátt með 10 daga fyrirvara. Aðalfundur hefur æðsta vald í málefnum félagsins.



24. gr. Dagskrá aðalfundar

Dagskrá aðalfundar skal vera þannig:

- 1.Kosinn fundarstjóri.
- 2.Kosinn ritari.
- 3.Skýrsla stjórnarinnar um störf félagsins undanfarið starfsár.
- 4.Reikningar félagsins fyrir liðið starfsár lagðir fram til samþykktar.
- 5.Lagabreytingar og reglugerðarbreytingar, ef tillögur liggja fyrir.
- 6.Lýst kjöri stjórnar og trúnaðaráðs.
- 7.Kosning löggilts endurskoðanda eða endurskoðunarstofu og tveggja félagslega kjörinna skoðunarmanna.
- 8.Ákvörðun félagsgjalds.
- 9.Ákvörðun um laun stjórnarmanna.
- 10.Önnur mál.

25. gr. Félagsfundir

Félagið heldur fundi svo oft sem þurfa þykir. Þó skal stjórninni skyldt að boða til fundar, þegar eigi færri en 1% félagsmanna krefjast þess skriflega og skal fundurinn haldinn innan 7 daga frá því að stjórninni barst krafan í hendur. Fundur telst lögmaður, sé hann boðaður með auglýsingum í útvarpi, dagblöðum og vefmiðlum VR eða á annan sannanlegan hátt með minnst tveggja daga fyrirvara. Heimilt er að boða fund með skemmri fyrirvara vegna sérstakra ástæðna, svo sem samningagerðar eða annars samkvæmt mati stjórnarinnar. Afl atkvæða ræður úrslitum mála á fundum nema þar sem lög þessi ákveða annað. Gjörðabók skal haldin og í hana ritað ágrip af því sem fram fer á fundum félagsins.

Lögmaðir félagsfundir hafa æðsta vald í öllum málefnum félagsins milli aðalfunda innan þeirra takmarka, sem lögin setja.

26. gr. Sjóðir

Félagið rekur:

Félagssjóð, Sjúkrasjóð, Orlofssjóð, Varasjóð og Vinnudeilusjóð.

Í reglugerð sjóðanna skal tilgreina hlutverk, tekjur, hvernig greiðslum úr sjóðnum er háttað og annað það er viðkemur rekstri sjóðanna.

Stjórn VR er stjórn sjóðanna en heimilt er að skipa sérstaka stjórn um hvern sjóð fyrir sig.



Sjóðir félagsins skulu ávaxtaðir með eftirfarandi hætti:

- a) í ríkisskuldabréfum, í skuldabréfum sem tryggð eru með ábyrgð ríkissjóðs,
- b) með kaupum á markaðsskráðum verðbréfum,
- c) á banka- eða sparisjóðsreikningum,
- d) í fasteignum tengdum starfsemi og markmiðum sjóðanna,
- e) á annan þann hátt er stjórn og trúnaðarráð meta tryggan.

27. gr. Reikningar

Stjórn félagsins leggur fram reikninga sem skulu endurskoðaðir af löggiltum endurskoðanda og áritaðir af honum og skoðunarmönnum félagsins. Skulu þeir liggja þannig frammi á skrifstofu félagsins og heimasíðu félagsins, félagsmönnum til sýnis sjö dögum fyrir aðalfund.

28. gr. Lagabreytingar

Lögum þessum verður eigi breytt nema á lögmætum aðalfundi. Heimilt er þó á aðalfundi eða framhaldsaðalfundi að vísa lagabreytingum til allsherjaratkvæðagreiðslu.

Í fundarboði skal þess getið að lagabreytingar séu á dagskrá.

Lagabreytingatillögur stjórnar skulu kynntar í trúnaðarráði.

Tillögum um lagabreytingar skal skilað til félagsstjórnar eigi síðar en 14 dögum fyrir aðalfund. Á aðalfundi er eingöngu heimilt að gera breytingartillögur við þær lagabreytingar sem lagðar hafa verið fyrir félagsstjórn með þessum hætti. Aðrar breytingatillögur verða ekki teknar fyrir.

Allar lagabreytingatillögur skulu liggja frammi á skrifstofu og heimasíðu félagsins í 7 daga fyrir aðalfund.

Til lagabreytinga þarf samþykki 2/3 greiddra atkvæða. Breytingar á lögunum koma þá fyrst til framkvæmda er miðstjórn Alþýðusambands Íslands og stjórn Landssambands íslenzkra verzlunarmanna hafa staðfest þær.

29. gr. Slit félagsins

Félaginu verður ekki slitið nema 3/4 allra félagsmanna samþykki það og þessari ákvörðun verður ekki breytt með tilvitnun til ákvæðis 28. gr.

(Lög VR, samþykkt á aðalfundi VR 28. febrúar 1955 með áorðnum breytingum 19. febrúar 1958, 23. febrúar 1959, 10. febrúar 1965, 17. janúar 1967, 25. janúar 1969, 2. júní 1975, 11. febrúar 1976, 21. mars 1978, 18. mars 1991, 25. mars 2002, 14. mars 2005, 24. apríl 2006, 31. mars 2008, 2. apríl 2009, 11. janúar 2011, 27. apríl 2011, 10. apríl 2012, 26. mars 2014 og 25. mars 2015, 28. mars 2017, 19. mars 2018, 27. mars 2019).

Fundarstjóri bar nú upp lög félagsins í heild með áorðnum breytingum.

Samþykkt samhljóða.

8. Reglugerðarbreytingar

Fundarstjóri bauð nú Dóru Magnúsdóttur formann framkvæmdastjórnar Sjúkrasjóðs VR í pontu og hóf hún að skýra tillögu stjórnar að breytingu á 10. gr. Reglugerðar Sjúkrasjóðs VR en tillagan er eftirfarandi:

Tillaga að breytingum á 10. gr. reglugerðar Sjúkrasjóðs VR fyrir aðalfund VR 2019 (breytingar í rauðu letri)

„10. gr. Sjúkra- og slysadagpeningar

Sjúkrasjóðurinn skal að greiða sjúkra- og slysadagpeninga ef launatekjur falla niður sökum veikinda eða slysa og skulu þeir vera 80% af meðallaunum. Við útreikning upphæðar dagpeninga skal miða við greiðslur til félags- og Sjúkrasjóðs VR síðustu 6 mánuði áður en launagreiðslur féllu niður. Hafi orðið verulegar breytingar á launum síðustu 6 mánuði skal meta tekjur sérstaklega og yfir lengra tímabil en þó aldrei lengra tímabil en 12 mánuði. Í þeim tilvikum þar sem félagsmaður fær greiðslur fyrir sama slysa- og/eða veikindatímabil frá öðrum aðilum, svo sem greiðslur úr slysatryggingu launafólks, er heimilt að greiða mismun þeirrar bótafjárhæðar og 80% meðallauna ef sú upphæð er lægri en útreiknuð upphæð dagpeninga frá Sjúkrasjóði VR. Slysadagpeningar skv. grein þessari greiðast ekki vegna skaðabótaskyldra slysa og atvinnusjúkdóma, þ.m.t. slysa af völdum vélknúinna ökutækja.



Í upphafi félagsaðildar (~~fyrstu 270 dagana~~) skal ekki greiða sjúkra- og slysadagpeninga í fleiri daga en greitt hefur verið fyrir viðkomandi félagsmann í sjúkrasjóðinn og er þá miðað við þann dag sem greiðslan hefst. Undanþegnir frá þessu eru þó umsækjendur sem verið hafa fullgildir félagar annars félags í ASÍ, sbr. gr. 9.3.

Einnig er heimilt að greiða dagpeninga ef launatekjur falla niður vegna veikinda barna sjóðsfélaga, yngri en 18 ára, ~~fallt að 270 daga~~ og vegna langvarandi veikinda maka ~~fallt að 3 mánuði~~. Um það gildi að öðru leyti sömu reglur og að ofan greinir.

Eigi félagsmaður rétt til endurhæfingarlífeyris hjá Tryggingastofnun ríkisins er heimilt að synja umsókn um sjúkra- eða slysadagpeninga. Nemir endurhæfingarlífeyrir lægri fjárhæð en sjúkra- eða slysadagpeningar er heimilt að greiða honum það sem upp á vantar í samræmi við sjúkradagpeningarétt hans.

Almennt skal það vera skilyrði greiðslu sjúkra- og slysadagpeninga að umsækjandi komi fyrst til viðtals hjá ráðgjafa sjóðsins og að gögn hans séu skoðuð af trúnaðarlækni sjóðsins til að leggja mat á möguleg endurhæfingarúrræði. Sjúkra- og slysadagpeningar þeirra sem hafna að taka þátt í boðnum úrræðum ráðgjafa sjóðsins skulu vera 72% af meðallaunum. Þó skal ekki koma til slíkrar skerðingar fyrr en að greiddir hafa verið a.m.k. 120 dagar á viðkomandi greiðslutímabili. Komi til slíkrar skerðingar er viðkomandi félagsmanni heimilt að krefjast þess að málið verði lagt fyrir framkvæmdastjórn sjóðsins til endanlegrar ákvörðunar.

Fjöldi daga á greiðslutímabili er ákvarðaður af framkvæmdastjórn sjóðsins og staðfestur af stjórn VR og skal það tilgreint í Starfsreglum sjóðsins hverju sinni. Greiðslutímabil getur aldrei verið styttra en sem nemur því lágmarki sem tilgreint er í gildandi viðmiðunarreglugerð fyrir sjúkrasjóði aðildarfélaga ASÍ.

Hvert samfellit greiðslutímabil er 270 dagar á hverju 12 mánuða tímabili. Sá sem hefur fullnýtt þann greiðslurétt öðlast hann að nýju þegar greitt hefur verið fyrir hann til sjóðsins í 12 mánuði.

Dóra sagði að þessi breyting væri gerð til að auðvelda ákvörðun um fjölda daga á greiðslutímabili sjúkradagpeninga, þó innan ramma viðmiðunarreglugerðar ASÍ. Þetta er gert vegna þess að staða sjúkrasjóðs getur skyndilega orðið alvarleg eins og stefndi í árið 2018 og svo ekki þurfi



þá að bíða fram að næsta aðalfundi með að gera nauðsynlegar breytingar svo fjárhagsstaða sjóðsins skaðist ekki þegar skyndilegar sveiflur koma á útgreiðslur.

Að loknum skýringum og yfirferð Dóru gaf fundarstjóri orðið laust um þessa tillögu. Enginn kvað sér hljóðs og var tillagan þá borin upp til atkvæða.

Samþykkt samhljóða.

Nú bauð fundarstjóri Stefáni Sveinbjörnssyni framkvæmdastjóra VR að stíga í pontu og kynna tillögu að nýrri reglugerð Orlofssjóðs.

Stefán tók til máls og sagði að hann væri á ný kominn til að kynna þetta mál í fjarveru Sigurðar Sigfussonar formanns framkvæmdastjórnar Orlofssjóðs.

Í máli Stefáns kom m.a. fram að núverandi reglugerð sjóðsins væri nær óbreytt frá árinu 1979 og full þörf hafi verið á að gera nýja reglugerð sem væri nútímaþædd og tæki til starfseminnar eins og hún er nú orðin. Helsta breytingin frá fyrri reglum er að nú er komið samræmi á milli skipulags sjóða þannig að tiltekið sé að stjórn VR sé stjórn sjóðsins en skipuð er sérstök framkvæmdastjórn Orlofssjóðs eins og gert er með sjúkrasjóð. Tillaga að nýrri reglugerð Orlofssjóðs VR er eftirfarandi:

Tillaga að nýrri reglugerð Orlofssjóðs VR fyrir aðalfund 2019

Reglugerð Orlofssjóðs VR

1. gr. Nafn sjóðsins og heimili

Sjóðurinn heitir Orlofssjóður VR.

Orlofssjóður VR er eign VR. Heimili hans og varnarþing er í Reykjavík.



2. gr. Sjóðfélagar

Sjóðfélagar í Orlofssjóði VR eru félagsmenn VR eins og þeir eru skilgreindir í 3. gr. laga VR.

3. gr. Tilgangur sjóðsins

Tilgangur sjóðsins er að bjóða félagsmönnum VR fjölbreytta möguleika í orlofsmálum allan ársins hring á sanngörnu verði.

Til að ná þessu markmiði er sjóðnum heimilt að:

- a) eiga eða leigja orlofshús/orlofsaðstöðu víðsvegar um landið og einnig erlendis ef það er hagstætt.
- b) bjóða til sölu orlofstengdar vörur og þjónustu

Á aðalfundi VR er heimilt að ákveða að hluti af orlofssjóðsiðgjaldi félagsmanna renni í VR varasjóð og greiðist úr honum samkvæmt reglugerð VR varasjóðs.

4. gr. Tekjur sjóðsins

Tekjur sjóðsins eru:

- a) iðgjöld atvinnurekenda samkvæmt gildandi kjarasamningi hverju sinni.
- b) leigutekjur
- c) söolutekjur
- d) vaxtatekjur
- e) aðrar tekjur er til falla

5. gr. Stjórn og rekstur

Stjórn VR er jafnframt stjórn sjóðsins og ber ábyrgð á afgreiðslum, útleigu og kaupum orlofshúsa ásamt öðrum fjárreiðum sjóðsins.

Eftir aðalfund VR ár hvert skal stjórn VR fela fimm aðilum framkvæmdastjórn og two til vara til setu í framkvæmdastjórn

Orlofssjóðs VR. Framkvæmdastjórn sjóðsins kýs sér sjálf formann og varaformann á fyrsta fundi hvers starfsárs. Framkvæmdastjórn sjóðsins heldur fundi svo oft sem þurfa þykir og skal það, er á fundunum gerist, skráð í sérstaka gerðarbók.

Framkvæmdastjórn sjóðsins skal í störfum sínum hverju sinni taka mið af gildandi orlofsstefnu VR og starfsreglum Orlofssjóðs VR og leita sífellt nýrra leiða í orlofsþjónustu við félagsmenn VR til að koma sem best til móts við mismunandi þarfir þeirra.

Stjórn VR markar og samþykkir orlofsstefnu VR en framkvæmdastjórn sjóðsins setur sjóðnum starfsreglur og breytir þeim eftir því sem þurfa þykir.

Framkvæmdastjórn sjóðsins tekur ákvarðanir um daglegan rekstur og eignaumsjón sjóðsins í samráði við framkvæmdastjóra VR og starfsmenn. Allar meiriháttar ákvarðanir um fjármál og eignir sjóðsins verður framkvæmdastjórn sjóðsins að leggja fyrir stjórn VR til samþykktar.

Framkvæmdastjórn sjóðsins gerir tillögu um leigugjald fyrir gistingu sem sjóðurinn býður uppá til stjórnar VR sem tekur endanlega ákvörðun hverju sinni.

Skrifstofa VR sér um daglegan rekstur sjóðsins í umboði framkvæmdastjórnar sjóðsins. Afgreiðsla sjóðsins er á öllum skrifstofum VR um landið.

6. gr. Ávöxtun sjóðsins og kostnaður við rekstur hans

Fjármuni sjóðsins skal ávaxta skv. 26. gr. laga VR

Allan beinan kostnað við rekstur sjóðsins ber sjóðurinn sjálfur.



7. gr. Reikningar sjóðsins og endurskoðun

Ársreikning sjóðsins skal birta með reikningum VR og skal hann endurskoðaður með sama hætti og aðrir sjóðir VR.

Ársreikning sjóðsins skal leggja fram áritaðan af félagslegum skoðunarmönnum félagsins og löggiltum endurskoðanda fyrir aðalfund félagsins. Reikningsár sjóðsins er það sama og félagsins.

8. gr. Sjóðurinn lagður niður

Hætti sjóðurinn störfum eða ákvörðun tekin um að honum verði slitið færast eignir hans í félagsjóð VR.

9. gr. Gildistaka og breytingar á reglugerð

Reglugerð Orlofssjóðs VR tekur gildi frá og með 27. mars 2019.

Reglum þessum má aðeins breyta á aðalfundi VR og fer með slíkar breytingar eins og um breytingar á lögum VR væri að ræða sbr. 28. gr. laga VR.

(Samþykkt í stjórn VR 25. ágúst 1979. Breytingar á gr. 2 samþykktar á aðalfundi 24. apríl 2006. Breytingar á öllum greinum á aðalfundi 27. mars 2019)

Að lokinni yfirferð Stefáns gaf fundarstjóri orðið laust um tillöguna.

a. Viktor Elvar Viktorsson kvað sér hljóðs og sagði nýju reglugerðina góða en velti fyrir sér hvernig hugtakið „sanngjarnt“ verð væri skilgreint? Ragnar Þór svaraði því til að til stæði að endurskoða verðskrá og þá með t.d. hliðsjón af því hvaða verðskrá gildir hjá öðrum stéttarfélögum og mætti þannig nálgast það sem kalla mætti sanngjarnt verð.

Fleiri kváðu sér ekki hljóðs og bar fundarstjóri þá upp nýja reglugerð Orlofssjóðs VR eins og hún hafði verið kynnt upp til atkvæða.

Samþykkt samhljóða.

A handwritten signature in blue ink, appearing to read "R5".

9. Lýst kjöri stjórnar

Fundarstjóri sagði að nú væri komið að því að lýsa kjöri stjórnar VR en allsherjaratkvæðagreiðsla vegna kosninga til stjórnar VR, stóð frá 11. - 15. mars 2019. Atkvæði greiddu 2806. Á kjörskrá voru alls 35.614. Kosningabátttaka var því 7,88%.

Úrslitin urðu þau að sjö stjórnarmenn í stjórn VR – til tveggja ára skv. fléttulista eins og kveðið er á um í 20. gr. laga VR. eru:

Svanhildur Ólöf Þórsteinsdóttir
Ólafur Reimar Gunnarsson
Selma Árnadóttir
Sigurður Sigfússon
Harpa Sævars dóttir
Björn Kristjánsson
Helga Ingólfssdóttir

Þrír varamenn í stjórn VR – til eins árs eru:

Þorvarður Bergmann Kjartansson
Anna Þóra Ísfold
Sigmundur Halldórsson

Lýsti fundarstjóri ofangreinda aðila því rétt kjörin sem stjórnarmenn í stjórn VR.

Þá lýsti fundarstjóri kjöri lista stjórnar og trúnaðarráðs til trúnaðarráðs en ekkert mótframboð barst við listann sem var því sjálfkjörinn.

Fundarstjóri óskaði eftir leyfi fundarins til að láta nöfn nýkjörinna trúnaðarráðsmanna renna á slæðum á skjá í stað þess að lesa upp öll nöfnin og var það samþykkt. Listinn sem kjörinn var og er nú lýst sem rétt kjörnum er eftirfarandi:

Anna Þórðardóttir Bachmann
Álfhildur Sigurjónsdóttir
Árni Leósson
Áslaug Alexandersdóttir
Birgir Már Guðmundsson
Birgitta Ragnarsdóttir
Björg Gilsdóttir



Björgvin Ingason
Björn Axel Jónsson
Erla María Vilhjálmsdóttir
Freyja Lárusdóttir
Guðlaug Rúna Guðmundsdóttir
Guðlaugur Sæmundsson
Guðrún Jóna Valgeirsdóttir
Halldóra María Steinarsdóttir
Hilmar Kristjánsson
Ingimar Þorsteinsson
Jakob Þór Einarsson
Jóhann Már Sigurbjörnsson
Jón Guðmundur Björgvinsson
Jón Hrafn Guðjónsson
Kjartan Már Másson
Kristinn Örn Jóhannesson
Óskar Guðmundsson
Páll Örn Líndal
Ragnar Orri Benediktsson
Selma Kristjánsdóttir
Sesselja Jónsdóttir
Sigrún Guðmundsdóttir
Sigurbjörg Þorláksdóttir
Silja Hlín Guðbjörnsdóttir
Soffía Óladóttir
Stefán Viðar Egilsson
Steinar Viktorsson
Steinunn Böðvarsdóttir
Steinþór Ásgeirsson
Sveinbjörn F Pétursson
Valva Árnadóttir
Þorsteinn Þórólfsson
Þóra Kristín Halldórsdóttir
Þróstur Ríkarðsson

Var að lokum nýjum stjórnarmönnum og nýkjörnum trúnaðarráðsmönnum fagnað með lófataki.



10. Kosning löggilts endurskoðanda eða endurskoðunarstofu og tveggja félagslega kjörinna skoðunarmanna.

Fundarstjóri kynnti nú eftirfarandi tillögu um endurskoðunarstofu:

„Aðalfundur VR, haldinn á Hilton Reykjavík Nordica hóteli þriðjudaginn 27. mars 2019, samþykkir að endurskoðunarskrifstofan KPMG hf. sjá um endurskoðun félagsins fyrir reiknisárið 2019“

Þá gaf fundarstjóri orðið laust um tillöguna.

Enginn kvað sér hljóðs og var tillagan þá borinn upp til atkvæða.

Samþykkt samhljóða.

Næst kynnti fundarstjóri eftirfarandi tillögu um skoðunarmenn VR sbr 27. gr. laga VR:

„Aðalfundur VR, haldinn á Hilton Reykjavík Nordica hóteli þriðjudaginn 27. mars 2019, samþykkir að skoðunarmenn VR, sbr. 27. gr. laga VR verði Benedikt Vilhjálmsson og Jóhanna S. Rúnarsdóttir.“

Þá gaf fundarstjóri orðið laust um tillöguna.

Enginn kvað sér hljóðs og var tillagan þá borinn upp til atkvæða.

Samþykkt samhljóða.

11. Ákvörðun um laun skoðunarmanna

Fundarstjóri kynnti nú eftirfarandi tillögu um laun skoðunarmanna:

„Aðalfundur VR, haldinn á Hilton Reykjavík Nordica hóteli mánudaginn 27. mars 2019, samþykkir að greiða hverjum skoðunarmanni VR 51.245 kr. á ári.“

Þá gaf fundarstjóri orðið laust um tillöguna.

Enginn kvað sér hljóðs og var tillagan þá borinn upp til atkvæða.

Samþykkt samhljóða.

12. Ákvörðun félagsgjalda

Fundarstjóri kynnti nú tillögu stjórnar um félagsgjald sbr. 9. gr. laga VR og er tillagan svo hljóðandi:

„Aðalfundur VR, haldinn á Hilton Reykjavík Nordica hóteli miðvikudaginn 27. mars 2019, samþykkir að félagsgjald verði óbreytt, 0,7% af heildarlaunum, og lágmarksgjald til að njóta fullra félagsréttinda skuli þó eigi vera lægra en sem svarar 30% af byrjunarlaunum 20 ára afgreiðslufólks frá og með sama tíma. Félagsgjaldið skiptist þannig að 0,63% renna í Félagssjóð VR og 0,07% renni í



Vinnudeilusjóð VR „

Þá gaf fundarstjóri orðið laust um tillöguna.
Enginn kvað sér hljóðs og var tillagan þá borinn upp til atkvæða.
Samþykkt samhljóða.

13. Ákvörðun um laun stjórnarmanna.

Dóra Magnúsdóttir í launaneftnd VR kynnti nú tillögu stjórnar um laun stjórnarmanna sem er eftirfarandi:

„Aðalfundur VR, haldinn á Hilton Reykjavík Nordica hótelri miðvikudaginn 27. mars 2019, samþykkir að stjórnarlaun hækki úr 49.694 kr. á mánuði í 51.225 kr. á mánuði. Varamenn fái sömu stjórnarlaun og aðalmenn í stjórn VR, fyrir hvern setinn stjórnarfund en þó aldrei meira en sem nemur einum stjórnarlaunum. Tillaga að formaður framkvæmdastjórnar Sjúkrasjóðs VR, formaður Orlofsstjórnar VR og variformaður stjórnar VR fái 1,5 stjórnarlaun á mánuði.“

Þá gaf fundarstjóri orðið laust um tillöguna.
Enginn kvað sér hljóðs og var tillagan þá borinn upp til atkvæða.
Samþykkt samhljóða.

14. Önnur mál

a. Alína ræddi styrki sjúkrasjóðs og telur að vera mætti sérstakur styrkur fyrir kostnað við sálfræðiþjónustu.

Stefán svaraði því til að til þess væri VR varasjóður hugsaður en vandinn væri að af slíkum styrk þurfi að greiða skatt en ekki t.d. golfiðkun, en þetta ætlum við að ræða við stjórnvöld.

b. Sigmundur ræddi erlenda félagsmenn í VR og stakk uppá að árskýrsla væri einnig á ensku amk að hluta. Þá óskaði hann eftir að vita hverjar væru helstu ástæður þess að þeir leiti í svo miklum mæli til kjarasviðs VR.

Stefán svaraði því til að við mættum eflaust bæta okkur með þýðingar á ensku en þess mætti geta að við hyggjumst ráða pólskumælandi starfsmann á starfstöðina í Keflavík.


Bryndís sviðsstjóri kjaramálasviðs svaraði svo til að erindi erlendra félagsmanna til kjaramálasviðs væru margvísleg en sérstaklega Pólverjar og félagsmenn frá Eystrasaltslöndum væru sérstaklega meðvitaðir um að þeir eigi réttarstöðu – jafnvel betur meðvitaðir en Íslendingar almennt. Ekki sé endilega verið að brjóta á þessum félagsmönum.



Ragnar Þór bætti svo við að herferð okkar árið 2017 „Pekktu þinn rétt“ sem vakti eftirtekt og var mjög áberandi m.a. í Leifsstöð og á strætóskýlum hafi vakið þessi viðbrögð erlendra félagsmanna.

Að lokum fékk fundarstjóri leyfi fundarins til þess að ganga frá fundargerð í samráði við fundarritara og þakkaði hún fyrir góðan fund. Þá tók hún fram að þetta verkefni hennar í kvöld markaði ákveðin leiðarlok í starfi hennar fyrir VR og þakkaði hún fyrir samstarf við fjölda aðila og starfsmenn félagsins.

Sleit fundarstjóri svo tundi kl. 21:18
Árni Leósson fundarritari



Árni Leósson